



## МЕСЯЦА СЕНТЯБРЯ В 19-й ДЕНЬ

Святых мученик  
Трофима, Савватия и Доримедонта

ВЕЧЕР

На Господи, воззвах: **стихиры праздника, глас 4.**

Подобен: Дал еси знамение:

**К**рест всесвятый, / непобедимая победа, / от земли  
являемь, днесь происходит, / якоже сокровен-  
ное сокровище, / обогащая вселенную зарями /  
всемирныя своея благодости. / Тем преблагое  
строение славим / на нем сподобльшагося распятыся //  
Христа Бога нашего.

**Д**ревле убо ополчения иноплемённых возвращаше /  
Крест, воображаемь Моисеем, / угодником и верным  
богovidцем, / пророком Божественным, / ныне же  
дланьми священными / божественным возвышением  
воображаемь, / демонов ополчения / и иудеев соборы  
отгонит // и обличает безбожных дерзости.

**Д**ержава непобедимая христианом нам / есть Крест  
Твой, Спасе наш, / имже иноплемённая / языков побеж-  
даются множества / и мир Церкви Твоей, Христе, /  
православящим добре даровася; / егже ныне целу-  
юще, / Тя молим, Человеколюбче: // части ны сподоби  
святых Твоих.

**Ины стихиры святых, глас 8.**

Подобен: Мученицы Твой:

**П**ищу неждивную желая наследити, / Трофиме  
мучениче, / болезнями телесными ты питался еси /  
и прешёл еси от тли к нетлению, радуясь, / свиде-  
тельством украшаемь, / тем твоими молитвами // испроси  
всем, блаженне, велию милость.

**Саввѣтій сла́вный,**/ мно́гия му́ки претерпѣв,/ ны́не  
праздновати во двѣрех Небѣсных прера́достно сподо́-  
бися,/ по́чести по́двиг своих приѣм,/ собо́ром а́нгель-  
ским причтѣн./ Того́ моли́твами, Христе́, // да́руй людем  
Твои́м ве́лию ми́лость.

**Безбо́жных советъ отразив,**/ советы Божѣственными  
ум утверди́, Доримедонте,/ и приступи́л еси́ му́жест-  
венно ко искуше́нию мук,/ победы́ по́чести приѣмля,/  
Христу́ сца́рствуеши всегда́, // о всех нас моля́ся.

### Сла́ва, и ны́не, глас 4:

**Восплѣщем** днесь пѣсенное торжество́ / и свѣтлым  
лицѣм и языкомъ я́сно возопи́м:/ нас ра́ди, Христе́,  
суд приѣмый,/ и оплева́ния, и ра́ны, и червленцею  
оде́явыйся,/ и на Крестъ возше́д,/ егѡ́же ви́девше,  
со́лнце и луна́ свет скры́ша,/ и стра́хом земля́ колеба́-  
шеся,/ и завеса́ церковная раздрася́ на двѡе./ Ты и  
ны́не да́руй Крестъ Твойъ честны́й нам блюсти́теля и хра-  
ни́теля / и прогони́теля де́монов,/ я́ко да вси, облобы-  
за́юще, вопи́ем ему́:/ спаси́ ны, Кресте́, си́лою твоѡю,/  
освяти́ ны свѣтлостію твоѡю, честны́й Кресте́,/ и укрепи́  
ны воздви́жением твои́м,/ я́ко свет нам дарова́н еси́ //  
и спасѣ́ние душъ на́ших.

### На стихѡвне стихи́ры, глас 1.

**Подобен:** Небѣсныхъ чино́в:

**Крестъ** возно́сится, и де́мони прогоня́ются,/ разбо́й-  
ник Еде́ма у́бо врата́ отверза́ет,/ смерть умерщвля́ется  
и ны́не пу́ста яви́ся,/ Христѡ́с велича́ется./ Тем весели́-  
теся, вси земноро́днии, // кля́тва разруши́ся.

**Стих:** Возно́сите Го́спода Бо́га на́шего // и покланя́й-  
теся подно́жию но́гу Егѡ́, я́ко свято́ есть.

**Прииди́те,** боголю́бивии вси,/ Крестъ честны́й возно-  
си́мый ви́дяще,/ возвели́чим купно́ и сла́ву дади́м/  
Еди́ному Изба́вителю и Бо́гу, взыва́юще:/ Распны́йся  
на Дре́ве крестне́м, // не презри́ моля́щихся нас.

**Стих:** Богъ же, Царьъ нашъ пре́жде ве́ка, // соде́ла спасѣ́-  
ние посреде́ земли́.

**Горестъ** дрѣвле ослажда́я, Моисе́й / изба́ви Изра́иля,  
обра́зомъ Крестъ пропису́я,/ мы же, сегѡ́ вси божѣственно,  
ве́рнии,/ та́инственно вообража́юще в сердца́хъ на́-  
шихъ всегда́, // спаса́емсѧ держа́вою егѡ́.



**Сла́ва, и ны́не, глас 5:**

**Г**лас проро́к Твои́х, Иса́ии и Дави́да,/ испо́лнися, Бо́же, глаго́лющий:/ прии́дут вси язы́цы, Го́споди,/ и поклóнятся пред Тобо́ю./ Се бо лю́дие, и́же Твоея́, Бла́же, благода́ти напо́лнишася,/ во двóрех Твои́х Иеру-сали́ма./ Крест претерпе́вый за ны/ и Воскресе́нием Твои́м животвори́й, // сохрани́ и спаси́ ны.

**Тропа́рь, глас 8:**

**В** Трои́це хвали́мый Бог трои́цу му́ченик просла́ви,/ Трофи́ма и Савва́тия и Доримедо́нта:/ в Того́ бо ве́ровавшие, врага́ низложи́ша. // Тех моли́твами, Христе́ Бо́же наш, поми́луй нас.

**Сла́ва, и ны́не, пра́здника.****НА УТРЕНИ****По 1-м стихосло́вии седа́лен, глас 7:**

**Ц**ерковь вопи́ет Тебе́, Христе́ Бо́же,/ в пёвке и ке́дре и кипари́се, покланя́ющиеся Тебе́:/ победы́ лю́дем Твои́м Богороди́цею да́руяй, поми́луй ны.

**Сла́ва, и ны́не, то́йже.****По 2-м стихосло́вии седа́лен, глас 4:**

**К**рест Твой, Го́споди, я́ко свет сия́я,/ те́мныя полки́ отгоня́ет и ве́рныя просвещает, пою́щия:/ Крест есть ми́рови похвала́.

**Сла́ва, и ны́не, то́йже.**

**Кано́н пра́здника, со ирмосо́м на 8, и святы́х на 4.**

**Кано́н пра́здника, глас 8.****Песнь 1**

**Ирмо́с:** *Крест начертáв, Моисе́й/ впря́мо жезло́м Чермно́е пресече́,/ Изра́илю пешехо́дящу,/ то́же обрат́но фарао́новым колесни́цам,/ уда́рив, совокупи́,/ вопреки́ написáв непобеди́мое ору́жие. // Тем Христу́ пойм, Бо́гу нашему́, я́ко просла́вился.*

**Образ** дре́вле Моисе́й пречи́стыя Стра́сти в себе́ само́м прообрази́,/ священных среде́ стоя́:/ Крест же вообрази́в,/ простёртыми побéду длáньми воздвиге́,/ держа́ву

погубив Амаліка всегубителя./ Тем Христу́ поим, Бо́гу нашему, я́ко просла́вился.

**Возложи́ Моисей́ на столпе́ врачество́,/ тлетвори́ваго избавле́ние и ядови́таго угрызе́ния,/ и дре́ву о́бразом Креста́/ по землі пресмыка́ющагося змїя привяза́,/ лука́вный в сем обли́чив вред./ Тем Христу́ поим, Бо́гу нашему, я́ко просла́вился.**

**Показа́ небо́ Креста́ побѣду́ благоче́стия держа́телю и царю́ богому́дру,/ враго́в в нёмже злосе́рдных низложи́ся свирѣ́пство,/ леть же преврати́ся,/ и ве́ра распро́стрѣся земны́м концѣ́м Божѣ́ственная./ Тем Христу́ поим, Бо́гу нашему, я́ко просла́вился.**

**Ин канонъ святыхъ, егѣже краегранѣсне:**

**Трисвѣтлюю пою́ мученикъ свѣтлость. Иѣсиф. Глас 8.**

### **Песнь 1**

**Ирмосъ: Колесницегонителя фараѣня погрузи́/ чудотвори́й иногда́/ моисей́ский жезл, крестоо́бразно порази́в/ и раздели́в мо́ре,/ Израїля же беглеца́ пешехѣ́дца спасе́, // песнь Бо́гови воспева́юща.**

**Пресвѣтлыми мо́лниями Ду́ха осия́еми,/ те́мныя о́блаки душі́ моея́ разреши́те,/ ум мой озари́те/ и устне́ к пе́нию вас хвали́ти отвѣрзи́те,/ мученицы Христо́вы великоимени́тии.**

**Твѣрдостию ума́ проти́вистеся суемудренному,/ да́йти бого́м честь, мученицы, чу́ждую вас понужда́ющему,/ и же́ртва соверше́нная разли́чными му́ками Всецарю́ принесѣ́стеся.**

**Кре́пость вам от Бо́га дарова́ся Вседержи́теля/ низложи́ти всю кре́пость змїеву,/ честни́и великомученицы, Тро́ицы ору́жницы,/ Савва́тиѣ досточудне, божѣ́ственный Доримедѣ́нте и Трофи́ме.**

**Богорѣ́дичен: Свещате́льными Твои́ми точа́щими благода́тьми,/ богора́дованная двѣ́ре Све́та еди́на,/ до́блии мученицы свѣ́тло озаря́еми,/ глубоча́йшую тьму нестерпи́мых страда́ний,/ Тя песносло́вляще, претеко́ша.**

### **Песнь 3**

**Ирмосъ: Жезл во о́браз та́йны приѣ́млется,/ прозябе́нием бо предразсужда́ет священника́,/ непло́дящей же пре́жде Це́ркви,/ ны́не процветѣ́ Дре́во Креста́, // в держа́ву и утвержде́ние.**



**Я**ко испустí, ударяемь, во́ду краесекóмый/ непокорí-  
вым лю́дем и жестосёрдым,/ богозвáнныйя проявляше  
Цёркве та́инство,/ ея́же Крест держа́ва и утвержде́ние.

**Р**ёбром пречíстым, копíем прободённым,/ вода́ с  
Крóвию истече́,/ обновля́ющая Завет и омывáтель-  
ная грехá:/ вёрных бо Крест похвалá и царей держа́ва  
и утвержде́ние.

### Ин

**Ирмос:** Утверждéй в нача́ле Небесá рáзумом/ и зéмлю  
на вода́х основáвый,/ на ка́мени мя, Христé, запове-  
дей Твои́х утверди́,/ я́ко несть свят, па́че Тебе́, // Еди́не  
Человеколю́бче.

**К**расне́йшим по́мыслом и крѣпкою со́вестию/ к муче-  
ническому приидóсте искуше́нию:/ стру́жами зело́ и  
ра́нами острупля́еми,/ и непобѣдною мы́слию непоко-  
лебíми пребы́сте.

**К**ровей проли́яньми священнейшую порфи́ру обга-  
ривше, до́блии ору́жницы,/ безсме́ртному Царю́ Го́споду  
ны́не предстои́те,/ о нас моле́ние непреста́нно творя́ще.

**Не** отвергóстеся Христа́, приобща́ющеся му́кам:/  
и стру́жами тѣлом разли́чно, и лю́те протяза́еми, и  
зверём вда́еми,/ всесла́внии ору́жницы, святíи велико-  
мученицы.

**Богорóдичен:** Законоположе́нием из Тебе́ воплощён-  
наго Влады́ки покаря́ющеся,/ Всенепоро́чная Отроко-  
ви́це,/ до́блии страда́льцы беззакóнныя победи́ша,/ Тя  
помощни́цу я́ко иму́ще, спаса́ющую ду́ши на́ша.

### Конда́к мучеников, глас 8.

Подóбен: Я́ко нача́тки:

**Я**ко страда́льцев основáние и благоче́стия утвержде́-  
ние,/ Цёрковь чтит и сла́вит твоё светонóсное  
страда́ние,/ приснопевáемый блаже́нне страда́льче,  
доблему́дре сла́вне Трофи́ме,/ со страда́вшими с то-  
бо́ю, // очище́ние пою́щим тя испроси́, я́ко непобеди́мь.

### Седáлен, глас 1.

Подóбен: Гроб Твой:

**М**ук му́жественно претерпе́вше болѣзни,/ к небо-  
лѣзненней жи́зни ны́не преидóсте кúпно,/ Доримедóнте  
и Трофи́ме и Савва́тие сла́вне./ Тем днесь Христо́ва  
Цёрковь,/ прáзднующи священную ва́шу па́мять, божѣ-  
ственно ра́дуется.

### Сла́ва, и ны́не, Креста́, глас то́йже:

Горé, я́ко Бог, Не́бо Престо́л имéя/ и зéмлю, Христé  
Спа́се, подно́жие нося́,/ Крест нам показáл еси́ Твои́х  
ног подно́жие,/ сему́ вси Дави́дски покланя́емся;/ и, тогó  
хранителя́ и помо́щника иму́ще,/ véрно Тя сла́вим.

### Песнь 4

**Ирмо́с:** Услы́шах, Го́споди,/ смотре́ния Твоегó та́ин-  
ство,/ разумéх дела́ Твоя́// и просла́вих Твоé Божество́.

Горькорóдные преложí дрéвом Моисéй/ исто́чники  
в пусты́ни дрéвле,/ Крестом ко благочести́ю язы́ков/  
проявля́я преложéние.

Глубинé внéдривый секу́щую/ издаде́ Иорда́н дрéву,/  
Крестом и крещéнием/ сечéние лéсти зна́менуя.

Священно́ ополча́ются/ четвероча́стнии лю́дие,  
предходя́ще/ о́бразом свидéтельства ски́нии,/ кресто-  
о́бразными чини́ми прославля́емии.

Чу́дно простира́емь,/ со́лнечныя лучи́ испущáше  
Крест,/ и пове́даша небеса́/ сла́ву Бо́га на́шего.

### Ин

**Ирмо́с:** Ты моя́ крéпость, Го́споди,/ Ты моя́ и си́ла,/ Ты  
мой Бог, Ты моé ра́дование,/ не оста́вь не́дра  
О́тча/ и на́шу нищету́ посетív./ Тем с проро́ком Авваку́-  
мом зову́ Ти:// си́ле Твое́й сла́ва, Человеколю́бче.

Терпéнием мук просветívшеся,/ на дрéве мученицы  
повéшени бы́сте/ и, желéзными ногты́ по ре́бром,  
сла́внии, стру́жеми,/ изодéянием телесé в Божéствен-  
ное нетлéние одéястеся,/ Престо́лу Трoи́цы всегда́  
предстоя́ще.

Ра́нимь за Христá, мучени́че Трофíме,/ усладя́лся  
еси́ болéзньми превосходя́щими,/ смотря́я, я́же на  
Небеси́, Божéственная воздая́ния и сла́дость неизди-  
вущую,/ ея́же ны́не сподобился еси́, по́двиг совершив́/  
и пи́ща Влады́це быв.

Юношески претерпéв, Савва́тие, мýки,/ раду́ясь,  
преда́л еси́ Бо́гу в ру́ки твою́ ду́шу/ и в Небéсных селе́-  
ниях до́бре почыл еси́,/ победív отгуду́ извёрженнаго  
окая́нне/ и по́чести победы́ приéм.

**Богорóдичен:** Я́ко чистую́ Царéву пала́ту,/ Ты муче-  
ников тричíсленное составлéние призыва́ющее Помо́щ-  
ницу, Пречы́стая Дéво,/ хра́мы дéмонския разоры́ша



и к храму горнему преложишася славы,/ во хвалах присно Тя чтуще.

### Песнь 5

**Ирмос:** *О* треблаженное Древо,/ на немже распяся Христос, Царь и Господь,/ имже паде древом прельстивый,/ тобою прельстився,/ Богу пригвоздившуся Плотию, // подающему мир душам нашим.

Тебе, приснопетое Древо, на немже простресе Христос,/ Едем хранящее обращающееся оружие, Кресте, устыдися:/ страшный же Херувим уступил на тебе пригвозжденному Христу,/ подающему мир душам нашим.

Подземных силы противныя Креста страшатся/ начертана знамения на воздухе,/ по нему же ходят Небесных и земнородных роды,/ колена преклоняюще Христу,/ подающему мир душам нашим.

Зарями нетленными явлься Божественный Крест/ омраченным языком, заблужденным в прелести,/ Божественный свет облистав,/ усвоет на нем пригвозжденному Христу,/ подающему мир душам нашим.

### Ин

**Ирмос:** *В*скую мя отринул еси/ от Лица Твоего, Свете незаходимый,/ и покрыла мя есть чуждая тьма, окаяннаго,/ но обрати мя и к свету заповедей Твоих // пути моя направи, молюся.

Удалившися телесныя любве, всехвальнии,/ присвоистеся множайшими болезнями и ранами Богу Всещедрому,/ вас милостию возлюбившему/ и Страстьми Своими убившему страсти.

Шествия твоя, мучениче Трофиме,/ была управлена к путям, всеумудре, мучения,/ в них же удобряемь, к железным сапогом пригвозждаемь,/ Велиарову главу и жала сокрушил еси.

Витийствуя божественная, Трофиме многострадальне,/ мучителя посрамил еси/ и, кровью твоими шествуя, землю освятил еси,/ проходиши же радостно в рай, нам спасения испрошая.

**Богородичен:** *С*вятую Деву,/ Богорадованную и Всенепорочную,/ крепцы оружницы на помощь призывающе,/ мук тяготу и ран треволение неуклонным преидоша мудрованием.

## Песнь 6

**Ирмос:** *Воднаго звѣря во утробе/ длани Иона крестовидно распростѣр,/ спасительную Стрѣсть проображаше яве./ Тем, триднѣвен изшѣд,/ премірное Воскресѣние прописаше/ Плотию пригвожденнаго Христа Бѣга// и триднѣвным Воскресѣнием мир просвѣщаго.*

Старостию преклонився и недугом отягчен, исправися Иаков, руже переменив,/ действие являя жизнѣснаго Креста:/ ибо ветхость законнаго сенѣвнаго писания новописа на сем Плотию пригвоздивыйся Бог/ и душегубительный недуг лѣсти отгна.

На юныя возложив длани божественный Израиль, крестовидно главы являше,/ яко старѣйшая слава, законослужители людие./ Тѣмже, подмнѣвся тако испрельститися, не измени жизнѣснаго образа:/ превзйдут бо людие Христовы Бѣгии новоутвержденнии,/ вопияху, Крестом ограждаеми.

## Ин

**Ирмос:** *Очисти мя, Спасе,/ многа бо беззакония моя,/ и из глубины зол возведи, молюся:/ к Тебѣ бо возопих, и услыши мя,// Бѣже спасѣния моего.*

Преплывше тихо окормлѣнием Духа/ благослѣвнии страдальцы мук пучину/ и к безволненному спасѣния пристанищу/ священно достигоша.

Падающая зря на зѣмлю удеса твоя, Трофиме,/ и бѣдет в твоя ноздри приемля,/ благовоенныя вонн Христовы любве/ воспримал еси множае.

Яко советник Христовых оправданій быв,/ советы безбѣжных врагов до конца отклонил еси/ и себе предал еси, Доримедонте мучениче, мукам, ураняемь.

**Богородичен:** *Вжиляеми от Тебѣ испущаемыми силами,/ стрѣстотѣрпцы Твой, Христѣ, законно пострадаша,/ Чистую Матерь Твою воспевающе,/ неизреченно Тя порождшую.*

## Кондак, глас 4. Самоподобен:

**В**ознесийся на Крест волею,/ тезоименитому Твоему новому жителству/ щедроты Твоя даруй, Христѣ Бѣже,/ возвесели нас силою Твоею,/ победы дай нам на сопостаты,/ пособие имущим Твое оружье мира,// непобѣдимую победу.



**Икос:**

**И**же до трэтияго Небесэ восхищён бысть в рай/ и глаголы слышав неизреченныя и Божественныя,/ ихже не леть языки (человеческими) глаголати,/ что Галатом пишеть, яко рачителие Писаний прочтосте и познасте:/ мне, глаголет, хвалитися да не будет, токмо во едином Кресте Господни,/ на немже, страдав, уби страсти./ Того убо и мы известно держим, Крест Господень, хвалу вси:/ есть бо нам спасительное сие Древо/ оружие мира, непобедимая победа.

**Песнь 7**

**Ирмос:** *Безумное веление/ мучителя злочестиваго люди поколеба,/ дышущее прещение и злохуление богомерзкое;/ обаче три отроки не утраши ярость зверская,/ ни огонь снedaйя,/ но, противодышущу росоносному Духу,/ со огнем суще, пояху:// препетый отец и нас Бже, благословен еси.*

**От** древа вкусив, первый в человецех в тление вселися:/ отвержением бо жизни безчестнейшим осудився,/ всему роду телотленен некий яко вред недуга преподаде;/ но, обретше, земнороднии, воззвание крестным Древом, зовем:/ препетый отец и нас Бже, благословен еси.

**Разруши** повеление Божие преслушание,/ и древо принесет смерть человеком,/ еже неблаговрeменно причастно бывшее;/ во утверждение же зело честнаго/ отгуду жизни древо возбраняемо бе,/ еже разбойнику злоумершу отверзе, благоразумно зовущу:/ препетый отец и нас Бже, благословен еси.

**Жезла** объемлет край Иосифова,/ будущая зря, Израиль,/ Царствия державное,/ яко возымуществит преславный Крест, проявляя:/ сей бо царей победоносная похвала и свет верою зовущим:/ препетый отец и нас Бже, благословен еси.

**Ин**

**Ирмос:** *Божия низхождения/ огонь устыдеса в Вавилоне иногда;/ сего ради отроцы в пещи, радованною ногою,/ яко во цветнице, ликующе, пояху:// благословен еси, Бже отец наших.*

**Превсяко** мановению, яже к Богу, удобряем,/ рожны же, блаженне, разжженными поджигаем/ и по ребром

твоим неправедно стружем,/ о Доримедонте, крепко претерпел еси.

**Видети** желая Божию славу неизреченную,/ очесы ослеплен был еси разжжении железными/ и благодарственно Господу взывал еси, Трофиме:/ благословен Бог отец наших.

**Любовию** распалаеми Честныя Троицы,/ трие совершите величайшия подвиги/ и со тьмами ныне радуетесь Небесными,/ с нимиже нас помяните, разрешение прегрешений присно нам просяще.

**Богородичен:** Сущи, Владычица, чистейши всякия твари,/ прияла еси Слово, из Тебе неизреченно раждающуюся,/ Егоже доблии мученицы возлюбивше,/ мучений множества претерпеша.

### Песнь 8

**Ирмос:** *Благословите, отроцы,/ Троицы равночисленнии,/ Содетеля Отца Бога,/ пойте снизшедшее Слово,/ и огонь в росу претворшее,/ и превозносите всем жизнь подающего// Духа Всесвятого во веки.*

**Воздвизаему** Древу,/ окроплёну Кровию воплощагося Слова Бога,/ пойте, Небесныя Силы;/ земных воззвание празднующе, людие,/ поклонитесь Христову Кресту,/ имже миру востание во веки.

**Земнороднии**, дланьми, строителие благодати,/ Крест, на нёмже стояше Христос Бог, возносите священнолёмно/ и копие, Божия Слова Тело прободшее,/ да видят языцы вси спасение Божие,/ славяще Его во веки.

**Божественным** судом предызбранныи, веселитесь,/ христианстии вернии царие,/ хвалитесь победоносным оружием,/ приёмше от Бога Крест честный:/ в сем бо колёна браней, дерзости ищуще,/ разсыплются во веки.

### Ин

**Ирмос:** *Седмерицею пещь/ халдейский мучитель/ богочестивым неистовно разжжé,/ силою же лучшею спасены сия видеи,/ Творцу и Избавителю вопияше:/ отроцы, благословите,/ священницы, воспойте,// людие, превозносите во вся веки.*

**Обнажёнными** телесы раанам приборбствовавшие, нетления украшение приясте,/ в студ одеявшие врага вечный, венценосцы,/ прешедше к Божественным



поко́бщем, вопи́ете:/ священни́цы, воспóйте, лю́дие, превозно́сите во вся ве́ки.

**Следогоня́ще сведéтели Христо́вы Стра́сти,/ к дре-весéм привязани бы́сте, и терза́ния претерпéсте до́блím смýслом,/ и стру́ями крóве пото́пíte дéмонов лука́внейшия полкí,/ божéственнó песнопо́юще:/ священни́цы, воспóйте, лю́дие, превозно́сите во вся ве́ки.**

**Да похва́лится Трофíм, да сла́вится Савва́тий/ и да велича́ется Доримедóнт днесь, столпí непоколебíми,/ вёрных предгра́дия, световíднии Цéркве светíльницы,/ ю́же заря́ми велича́йших подвиго́в че́стно просвещáюще во вся ве́ки.**

**Богорóдичен: Мла́до я́ко Отрочá родила́ еси́, Пречи́стая Дéво,/ Отцú и Дúху соестéственнó разумева́ема Христа́ Бóга нáшего,/ Егóже до́блии мýченицы испове́дающе, священно́ пострада́ша,/ с нíмиже Тя, Всесвята́я, ве́рою блажа́т лю́дие, племена́ и язы́цы во вся ве́ки.**

### Песнь 9

**Ирмо́с: Та́ин еси́, Богорóдице, рай,/ невоздéланно возра́стивший Христа́,/ Имже крéстное живонóсное на земли́ насади́ся Дре́во;/ тем, ны́не возно́симу, // покланя́ющеся Емú, Тя велича́ем.**

**Да возра́дуются древа́ дубра́вная вся, освятившу́ся естество́ их,/ от Него́же изнача́ла насади́шася,/ Христу́ распросте́ршуся на Дре́ве;/ тем, ны́не возно́симу,/ покланя́ющеся Емú, Тя велича́ем.**

**Священнóй воста́ рог/ и глава́ всем богомúдрым, Крест,/ íмже грéшных мýсленно стира́ются róзи вси;/ тем, ны́не возно́симу,/ покланя́ющеся емú, Тя велича́ем.**

### Ин

**Ирмо́с: Ужасéся о сем Не́бо/ и земли́ удивíшася концы́,/ я́ко Бог яви́ся челове́ком плóтски/ и чре́во Твое́ бысть пространнейшее Небéс./ Тем Тя Богорóдицу // Ангелов и челове́к чинонача́лия велича́ют.**

**Крéпостию всех Содéтеля зверей́ стремлénия связа́сте/ и невредни, мýченицы, пребы́сте от них,/ вельми́ удивля́еми непревратными прелóги./ Тем мýчеников стадо́м сопричётшеся, о нас всегда́ молíтеся.**

**Я́ко жéртвы трапéзе та́инственней принесóстеся, мечéм усека́еми пресла́вно,/ и перворóдных ны́не во**

обителех прерадостно водворяетесь,/ зряще славу Божию/ и приплодия приемлюще болезней и почести страдания.

**Согласно сошедшеся, приидите, вернии,/ Доримедонта же и Савватия и славнаго Трофима восхвалим,/ крепкия истины свидетели, гроздие лозы умныя,/ от нихже нам вино сущно веселия искапает, Божественною благодатию.**

**Память всепразднственная мудрых страдалец, возсиявши днесь,/ яко истинно паче зарей солнечных, просвещает вся,/ тьму отгонящи страстей и облаки уныния./ Тех, Христэ, молитвами подаждь нам всем милости Твоя.**

**Богородичен: Сохранивый Тя Деву,/ от Твоих боков возсиявшее невечернее яко истинно Солнце, Дево,/ страдалцы проявлено осия, подвигшиися терпеливно,/ с нимиже Того моли ущедрити ны, благочестно Тя величающая.**

### **Светилен праздника.**

**Крест хранитель всея вселенныя,/ Крест красота Церкви,/ Крест царей держава,/ Крест верных утверждение,/ Крест Ангелов слава и демонов язва.**

**Слава, и ныне, тойже.**

### **На стиховне стихиры, глас 6.**

**Подобен: Тридневен:**

**Идеже стояша ноги Христовы,/ месту поклоняемся,/ возносяще треблаженный Крест,/ на немже источился/ Кровь Владычня, // источившаго миру Воскресение.**

**Стих: Возносите Господа Бога нашего // и поклоняйтесь подножию ногу Его, яко свято есть.**

**Умертвивше страсти плоти/ и духа, богомудрии,/ потщимся возвыситися от земных/ в Небесный покой,/ Крестом воздвижением, // сраспеншеся Владыце Христу.**

**Стих: Бог же, Царь наш прежде века, // содела спасение посреде земли.**

**Животекущий из Божественных ребр/ источник яве искипе Спасовых,/ напаяющь души/ верою поклоняющихся/ Божественным Его Страстем, // и Кресту, и Воскресению.**



### Слава, и ныне, глас 5:

**Глас пророк Твоих, Исáии и Дави́да,/ испо́лнися, Бо́же, глаго́лющий:/ при́дут вси язы́цы, Го́споди,/ и поклóняются пред Тобо́ю./ Се бо лю́дие, и́же Твоея́, Бла́же, благода́ти напóлнишася,/ во двóрех Твои́х Иеру-сали́ма./ Крест претерпе́вый за ны/ и Воскресе́нием Твои́м животворя́й, // сохрани́ и спаси́ ны.**

### НА ЛИТУРГИИ

#### Блаже́нны пра́здника, песнь 7-я, на 6.

**Святые мученики Трофим, Савва-тий и Доримедонт** († 276) пострадали за Христа в царствование римского императора Проба (276–282). Однажды в г. Антиохии совершался языческий праздник: приносились жертвы, лилось вино, творилось бесчиние. Пришедшие в город христиане Трофим и Савватий, с горечью смотря на это шумное и непристойное торжество, молили Господа наставить заблудших на путь спасения. Их схватили и привели к правителю. На допросе святые твердо исповедали свою веру и на принуждения отречься от Христа отвечали решительным отказом. Во время жестоких пыток святой Савватий скончался, а святого Трофима отправили на еще более страшные мучения в город Синнад к правителю Фригии Дионисию, известному палачу

и истязателю. Обутый в железные сапоги с острыми гвоздями, святой Трофим три дня шел пешком, подгоняемый конной стражей. Все способы пыток использовал искусный мучитель, чтобы сломить мужественного христианина — святой Трофим лишь повторял слова Писания: «Много скорбей у праведного, и от всех их избавит его Господь» (Пс. 33, 20). Страдальца бросили в темницу, где его стал посещать тайный христианин — сенатор Доримедонт. Он ухаживал за святым Трофимом, омывая и перевязывая его раны. Когда об этом стало известно мучителям, святого Доримедонта стали заставлять отречься от христианства, а потом вместе со святым Трофимом бросили на съедение зверям. Мученики остались нетронутыми. Тогда их усекли мечом.

В  
ТОЙЖЕ  
ДЕНЬ



**Благове́рнаго вели́каго кня́зя Феодо́ра и ча́д его́,  
благове́рных князе́й Дави́да и Константи́на,  
Смоле́нских и Яросла́вских чудотво́рцев**

### НА ВЕЛИЦЕЙ ВЕЧЕРНИ

**Блаже́н муж: 1-й антифо́н.**

**На Го́споди, воззва́х: стихи́ры пра́здника 3 и свя-тых 5. Глас 8.**

**Подóбен: Ч**то вас нарече́м:

**П**реподóбне о́тче Феодо́ре,/ просвеще́нный благо-да́тию/ Святы́я и Пресла́вныя/ и Единосúщныя Трои́цы,/ све́том Безнача́льнаго Све́та,/ и тем всю

зѣмлю просвети́/ и мно́гия на́ша грехи́ потреби́,/ о́тче преподо́бне, // моли́ о спасѣнии душ на́ших.

**С**вѣтлости духо́вныя/ ты был еси́ испо́лнен,/ о́тче преподо́бне Феодо́ре,/ проти́ву труду́ твоemú вели́кому, свя́те./ Тѣмже ны́не/ во тьме сущия ны грехо́вней просвети́,/ я́ко дерзнове́ние имѣя к Бо́гу/ и Спа́су всех, // моли́ спастися душам на́шим.

**Б**лагода́тию Всесвята́го Ду́ха/ грехо́вный мрак от серде́ц на́ших отгна́в,/ облегчи́ лежа́щий грех/ на ра́мех на́ших,/ преподо́бне Феодо́ре,/ да вси твою́ па́мь, / соше́дшеся, воспо́йм,/ очище́ния прося́ще, // моли́ о спасѣнии душ на́ших.

**Я**́ко звѣзды всесвѣтлыя,/ дѣтельницами за́поведей Господни́х/ сия́юще, пресла́внии,/ мир украси́сте, всечестни́и,/ луча́ми просвеща́юще велѣний благове́рия,/ и е́реси тьму отго́ните, преподо́бнии/ Феодо́ре и Дави́де с Константи́ном сла́вным./ Моли́те от тли и бед изба́витися // ве́рою творя́щим всечестну́ю па́мь ва́шу.

### **Ины стихи́ры, глас 8.**

**Подобен: О,** пресла́внаго чудесе́:

**П**реподо́бнии отцы́ премудри́и,/ Феодо́ре и Дави́де с Константи́ном сла́вным,/ слепы́м пода́ете свет, и боля́щим исцелѣ́ние,/ и хромы́м здра́вие, ми́лостивно преклоня́ющеся/ приходя́щим ве́рою к хра́му ва́шему/ и прося́щим по́мощи ва́шей./ Вас бо заступни́ки и предста́тели и храните́ли,/ вси ве́рнии, обрето́хом, // восхваля́юще вас.

**П**реподо́бнии отцы́ всечестни́и,/ Феодо́ре и Дави́де и Константи́не,/ до́брыми дѣтельницами возше́дше,/ а́ки на колесни́цу, к Бо́гу востеко́сте,/ побѣдныя по́чести приѣмлю́ще,/ и, я́ко ми́лоти, телеса́ ва́ша нам, положѣ́на во гробе́, отцы́, оста́висте/ источа́ти исцелѣ́ния/ и прогоня́ти ду́хи лука́выя. // Тѣмже блажи́м вас, прехва́льнии.

**Л**иком по́стническим сочета́стеся,/ тех жити́ем украси́вшеся, блаже́ннии,/ Феодо́ре и Дави́де/ с Константи́ном сла́вным,/ и ны́не в Небе́сных селе́ниих живете́, веселя́щеся,/ иде́же ликуют А́нгели,/ свѣтом Божѣ́ственным обожа́еми./ Помина́йте вы́ну блажа́щих вас на земли́ // и святѣ́е ва́ше творя́щих успе́ние.



**С**иянии духовными/ озарившися, святїи,/ светода-  
тельная заря/ явїстися, блаженни,/ и, яко лучї,  
добродетели/ во вся концї простираете,/ и верных  
просвещаете совокупления,/ и отгоните тьму ересей,  
преподобни, // силою от Девы Возсиявшаго.

### **Слава, глас 8. Самогласен:**

**Р**авноангельное житие поживше,/ болезнями пост-  
ническими, отцы преподобни,/ Феодоре и Давиде с  
Константином славным,/ воздержанием тело поработ-  
тивше, покорили есте духу./ Делателе бывше заповедей  
Господних,/ исперва подобную доброту образа сохра-  
нили есте,/ и страдальныя подвиги от постных потов  
совершили есте,/ и, сугубыми венцы украсившися, //  
прилежно Спаса молитесь спастися нам.

**И ныне, праздника, глас тойже:** Днесь Владыка  
твари: *(зри страницы 425–426).*

**Вход. Прокимен дне. Чтения три преподобническая**  
*(зри страницы 272–273).*

### **На литии стихиры, глас 6:**

**П**остническому житию поревновал еси,/ преподобне  
отче Феодоре,/ и страстныя прилоги в течениих слез  
твоих потопил еси,/ и благоприятное житие твое/ лест-  
вица божественна и честна,/ возводяща на Небеса, всем  
показася,/ благочестия бо плоды в себе показав,/ силою  
Духа Святаго отгоня неможения страстей от верно  
поющих ти:/ радуйся, востока звезд светозарная;/  
радуйся, монашествующих светильниче приснопамят-  
ный;/ радуйся, Церкви доброе воспитание и непозыб-  
лемое утверждение;/ радуйся, заблуждших великий  
вождю;/ радуйся, наша похвало // и вселенныя радо-  
вание светлое.

**И**же на земли Ангела/ и на Небесех человека Божия,/  
миру благое украшение,/ образ благих детелей,/ пост-  
ников похвалу,/ Феодора почтим:/ насажден бо в дому  
Божии,/ процвете праведно,/ яко кедр в пустыни, //  
в преподобстве и правде.

**П**реподобне отче Феодоре,/ измлада в добродетели  
прилежно постився,/ орган был еси Святаго Духа/  
и, от Него прим чудес детель,/ научил еси человеки

преобидети сладкая,/ и ныне, Божественным светом  
чисте сияя,/ просвети наша разумы, // отче преподобне  
Феодоре.

**Преподобне отче Феодоре,** / твёрдаго пощения стра-  
даньями утвердився, / и в незаходимый свет духом прело-  
жился еси; / пустынным бо себе совокупив духовно, /  
огнепальные стрелы демонския попрал еси / и, пре-  
выше всякия добродетели быв, / соводворяешися во  
Царствии Небеснем с горними чины: / с ними молися  
Христу Богу, // спасти души наша.

### Слава, глас 5:

**Преподобне отче Феодоре,** / глас евангельский  
Господень услышав, / мир оставив, богатство и славу  
в ничтоже вменив, / тем всем возопил еси, глаголя: /  
возлюбите Бога, и обрящете благодать вечную, / ни-  
чтоже предпочтите паче любви Его, / да егда придет в  
славе Своей, / обрящете покой со всеми святыми. / Ихже  
молитвами, Христе, // сохрани и спаси души наша.

**И ныне, праздника, глас тойже:** Глас пророк Твоих,  
Исаии и Давида: *(зри страницу 425)*.

### На стиховне стихиры, глас 5.

Подобен: Радуйся:

**Радуйся,** постных войстину подвигов / благовонный  
сосуде: / крест бо на рамена взем / и Владыце Христу,  
всеблаженне, возложив себе, / плотских покорил еси  
долеретный\* смысл, / добродетельми душу преосияв, /  
и к Божественному воскрился еси рачению. / Тем  
всесвятую вашу обстояще, всехвальнии, раку, / Божест-  
веннаго человеколюбия просим / получитьи вашими  
молитвами // и миру даровати велию милость.

**Стих:** Честна пред Господем // смерть преподобных Его.

**Угль** богосветлый, / огню приобщився, богоносе,  
Духа, / показался еси в мире, Феодоре, / просвещая души  
верно и благомысленно приступающих ти: / к Свету бо  
вшед невечернему, преподобне, / пустынные орошаеши  
свыше Божественною благодатию / и увядил еси угли  
лютыя. / Тем и победный явственен дарова тебе венец,  
отче преподобне Феодоре, / Божественныя правды

\* Долеретный — ревнующий о долнем, заботящийся о земном.



Строитель Христос, // Егоче моли даровати нам велию милость.

**Стих:** Блажен муж, бойся Господа, // в заповедех Его восхощет зело.

Лествица небовосходная / ясно житие твое, богомысленно, бысть, / еюже к высоте взялся еси / и Владыце Христу беседовати, всеблаженне Феодоре, сподобился еси. / Ум просвещая, сущими отгуду сияний лучами освещаемь, / равноангельную светлость приял еси. / Емуже ныне предстою, / моли, преподобне Феодоре, / совершающая божественную и святую память твою / с тобою представить // и миру даровати велию милость.

### Слава, глас 5:

Преподобне отче Феодоре, / не дал еси сна очесем твоим, / ниже веждом дремания, / дондеже душу и тело от страстей свободил еси / и Духа жилище себе соделал еси: / пришед бо Христос со Отцем, / обитель в тебе сотвори, / и, Единосущныя Троицы благодать восприим, / великопроповедниче, преподобне Феодоре, // моли спастися нам.

**И ныне, праздника, глас тойже:** Приидите, людие, преславное чудо видяще: *(зри страницу 425)*.

### Тропарь святых, глас 4:

**О**т юности ваша Христове любви прилепившаяся, святии, / усердно закон и оправдания Того сохраните, / отонудуже и чудесными дарованиями обогатившаяся, / исцеления источаете, / Феодоре, Давиде и Константине, / о верою вас почитающих молити Христа Бога, // спастися душам нашим.

### Тропарь на преставление Феодора, глас 4:

**Я**ко целитель преизряден и казатель благоприятен, / мирский мятез оставил еси, / и, крест свой на рамо взем, / божественным житием пожил еси, и воздержанием плоти украсился еси, / к тебе притекающим сосуд избранный показався, всеблаженне Феодоре, / воспевающим твою память в псалмах и песнях, преподобне, // молися о душах наших.

**Ин тропарь, глас 4:**

**И**змлада явился еси, богомудре княже, / божествен сосуд, невозбранен Бóгови, / ныне точиши нам многоцеления, / вся ереси потопляя, и спасая присно свой град, / и всех верных сохраняя невидимо от видимых враг, / верою тя молим, преподобне отче наш, княже Феодоре, // моли спастися душам нашим.

**Слава, и ныне, тропарь праздника.**

**Тропарь на пренесение мощей святых, глас 8:**

**Я**ко звезды многосветлыя, от юности возсиявше, / осветили есте сердца верных пренесением честных мощей ваших, / во плоти яко Ангели на земли покажетесь, / пощением насаждены бысте, яко древа, при водах воздержания, / напоени струями слез ваших, и скверну омьете. / Сего ради явитесь приятелица Божия Духа, / Феодоре и Давиде и Константине, // молитесь Христа Бога спастися душам нашим.

**Ин тропарь, глас 4:**

**Я**ко апостолом спричастницы и врачеве предобрии, / служителие богоприятнии / памяти вашей божественней притекающим, / святии богомудрии, досто- блаженнии, благочестивии князие, / новоявленнии чудотворцы Феодоре и Давиде и Константине, / сошед- шеся любовью в память вашу, светло празднуем, / в песнях и пениях, радующеся, Христа славяще, / та- ковую благодать даровавшего вам исцелений, // граду вашему Ярославлю великое утверждение.

**НА УТРЕНИ**

**На Бог Господь: тропарь праздника дважды. Слава, святого. И ныне, праздника.**

**По 1-м стихословии седален, глас 1:**

**Т**рисияннаго Света зарю в души стяжав, отче препо- добне Феодоре, / в подвиже твоём постом и молитвами и бдении присно душу твою просвещая, / тем приял еси дерзновение избавляти ны от бед и зол безчисленных / молитвами твоими, преблаженне отче.

**Слава, и ныне, праздника.**



**По 2-м стихословии седáлен, глас 8:**

**Твёрдостью разума украшая себя/ и плотския тяготы отвёрг, гордыню поправ еси/ и был еси обителище избранно Пресвятаго Духа;/ неуклонным разумом простираяся ко Христу Богу,/ многокозненнаго стрелы притупил еси/ и лук врага сокрушил еси, преблаженне Феодоре./ Моли Христа Бога грехов оставление даровати/ чтущим любовию святую память твою.**

**Слава, и ныне, праздника.**

**По полиелѣи седáлен, глас 1:**

**Житейское море воздержанием без труда преплывше,/ и в пристанище мысленное безстрастия пристали есте,/ сосуди воздержанием богатства некрадома благочестия явитесь, блаженнии,/ Феодоре и Давиде и Константине,/ безстрастием житие ваше просветивше,/ требующия милости обогащаете,/ Христа Бога моляще даровати нам велию милость.**

**Слава, и ныне, праздника.**

**Степенна, 1-й антифон 4-го гласа. Прокимен, глас 4: Честна пред Господем// смерть преподобных Его. Стих: Что воздам Господеву о всех, яже воздаде ми? Всякое дыхание: Евангелие от Матфея, зачало 43.**

**По 50-м псалме стихира, глас 8:**

**Преподобнии отцы святии,/ Феодоре и Давиде с Константином славным,/ поучившися день и ночь в законе Господни,/ достойни бысте древа животнаго сады быти,/ и плод ваш добродетельными венцы цветёт./ Дерзновение имуще к трудоположнику Христу Богу,// просите нам очищения и велия милости.**

**Канон праздника на 6 и святых на 8.**

**Канон святых, глас 8.**

**Песнь 1**

**Ирмос: Воду прошед, яко сушу,/ и египетскаго зла избежав,/ израильтянин вопияше:// Избавителю и Богу нашему поим.**

**Мрак греховный отжені, Светодавче Христэ,/ свѣше просветі окаянную мою душу,/ молитвами преподобнаго Феодора.**

**Просвещением Трисолнечнаго Божества озарившися, мудрии, / Феодоре и Давиде и Константине, светила явитесь / и просвещаете светоносную вашу память верно чтущия.**

**Светом благодати озаряеми, преподобнии, / Феодоре и Давиде и Константине славнии, / верно память вашу торжествующия просветите / и от тьмы греховных молитвами вашими избавите.**

**Богородичен: Плотию рождши Безплотнаго, Богородительнице Пречистая, / телесная наша и душевные скверны омый / окроплением божественных Твоей молитвы.**

#### **Ин канон, глас 4.**

**Ирмос: Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, // и воспою, радуясь, Тоя чудеса.**

**Все вы Творцу возложите себе / и все душевное желание излийте к Немю, / сего ради духовную благодать восприяте, / светом ея озаряеми, / преподобне Феодоре и Давиде с Константином славным.**

**Измлада Христа возлюбил еси, всеблаженне Феодоре, новоявленне чудотворче, / и пречистую Его Матерь, / и ныне просвещаеши чудесы, яко молния, всю вселенную.**

**Ныне, преблаженне Феодоре, душа твоя почивает / на Небеси со Христом во Царствии Небеснем, / где же честныя твоя мощи / дадут исцеления приходящим с верою.**

**Богородичен: Радуйся, Пречистая Богородице, / Ангелов удивление, пророков проповедь и апостолов немолчная уста, / молися Сыну Твоему и Богу нашему, / да сохранит град и место сие преподобных молением.**

**Катавасия праздника: Крест начертав:**

#### **Песнь 3**

**Ирмос: Небснаго круга / Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, // Едине Человеколюбче.**

**Непрестанные молитвы присно приносяще к Богу, / блаженне Феодоре и Давиде с Константином, за весь**



мир/ и трисвѣтлою Зарёю озарѣвшися,/ просвещаете,  
яко мѡлния, вселѣнную.

**Предстояще** Гѡсподу со безплѡтными Сѣлами,/ неизречѣнною слáвою блистающе,/ преблаженне Феѡдоре и Давѣде и Константѣне, за ны молѣтесе,/ творящия честную и преслáвную пáмьять вáшу.

**Напойвше** дѹши слѣзными потѡки,/ содеяете их, преподѡбнии, плодоносны добродѣтелями,/ всякая износѣюще чудеса на показáние, преслáвнии.

**Богорѡдичен:** Нѣва духѡвная,/ якоже из бразды клас, изнесла еси/ всю тварь Питáющаго всячески, Приснодѣво.

### Ин

**Ирмос:** Твоя песнослѡвцы, Богорѡдице,/ живѣй и незавѣстный истѡчнице,/ лик себе совокупльшия, духѡвно утверди,/ в Божѣственной Твоеѣ слáве// венцевъ слáвы сподѡби.

**Яко** светозáрное сѡлнце явѣтесея Трипостáснаго Божества,/ Феѡдоре блаженне с Давѣдом богомѹдным и Константѣном преслáвным,/ омраченны дѹши просвещáюще молѣтвами вáшими.

**Измлада** вѡзраст восприял еси во градѣ Смолѣнске,/ по Христѡву велѣнию на успѣние твоѣ пришѣл еси в слáвный град Ярославль/ и сияеши, яко сѡлнце, блистáнием добродѣтелей,/ преподѡбне Феѡдоре.

**Крестá** Господня сѣлою укрепѣвсья, блаженне Феѡдоре,/ и пощѣнием и молѣтвами вооружѣвсья,/ стремлѣния дѣмонская на землѣ победѣл еси Бѡжиею сѣлою.

**Трѡичен:** Трѡицу ясно проповѣдуем, нераздѣльную слáвою,/ Лица же раздѣльны, Отца и Сѣна и Святáго Дѹха.

**Богорѡдичен:** Рáдуйся, Владѣчице Дѣво,/ Церквѣй красотá, вѣрных держáва и похвалá,/ непрестáнно молѣйся Христѹ Бѡгу,/ да сохранѣт град сей и люди молѣтвами Твоѣми.

### Кондак и ѣкос прázдника.

#### Седáлен, глас 1:

**Житѣйское** мѡре воздержáнием без труда преплѣвше,/ и в пристáнище мѣсленное безстрастѣя пристáли есте,/ сосѹди воздержáнием богатства некрáдома

благочестия явистесь, блаженнии,/ Феодоре и Давиде  
и Константи́не,/ безстра́тием жити́е ва́ше просве-  
тивше,/ и тре́бующия мѣлости обогаща́ете,/ Христа́  
Бо́га моля́ще дарова́ти нам ве́лию мѣлость.

**Сла́ва, и ны́не, пра́здника.**

#### Песнь 4

**Ирмо́с:** Ты моя́ кре́пость, Го́споди,/ Ты моя́ и си́ла,/ Ты мой Бог, Ты моё ра́дование,/ не оста́вь не́дра Отча/ и на́шу нищету́ посети́в./ Тем с проро́ком Авваку́мом зову́ Ти:// си́ле Твое́й сла́ва, Человеколю́бче.

Ты на землі́ дру́гий А́нгел наре́клся еси́ чистото́ю,/ отче преподо́бне Феодоре,/ полки́ вся де́монския и е́реси попада́я духо́вною благода́тию./ Тем, соше́дшеся в па́мять ва́шу,/ прославля́ем Спа́са и Бо́га на́шего.

Дѣ́вный о́рган ты на землі́ яви́ся,/ весь мир сла́до-  
стно науча́я пра́вым уче́нием,/ отче преблаже́нне Феодоре.

Я́ко Христо́во смире́ние возлюбѣ́вше,/ возбу́систесь безстра́тием, смири́вше де́монскую горды́ню;/ возсия́вше, я́ко со́лнце от восто́ка,/ чудес́ луча́ми просвеща́ете всю подсо́лнечную.

Кади́ло благово́ния Всеви́дцу, преподо́бнии,/ Феодоре и Давиде с Константи́ном богому́дром,/ ва́ша моли́твы принесе́те, я́же обоня́, и прия́т,/ и в по́стнем кúпно пра́зднице устро́яет.

**Богоро́дичен:** Без се́мене зачала́ еси́ во чре́ве Творца́ и Го́спода,/ без поро́ка я́вльшися, Ма́ти Бо́жия,/ весь мир крила́ми Твои́ми покрыва́еши, Непоро́чная Госпоже́ Пречи́стая,/ пречи́стыя Твоя́ ру́ки вознося́щи к Нему́,/ изба́ви ны от бу́дущаго гне́ва.

#### Ин

**Ирмо́с:** Седя́й в сла́ве,/ на Престо́ле Божества́,/ во обла́це ле́гце/ при́де Иису́с Пребоже́ственный,/ нетле́нною дла́нию,/ и спасе́ зову́щия:// сла́ва, Христе́, си́ле Твое́й.

На землі́ степе́нь имѣ́л еси́, всеблаже́нне Феодоре,/ но твои́ми моли́твами и го́рнее Ца́рство восприя́л еси́, преподо́бне,/ и ны́не на Небеси́ со Хри́стом ца́рствуеши.

Исцелѣ́ние содева́ет божество́нный храм ва́ш,/ Феодоре и Давиде и Константи́не,/ отго́ните недуги́ от



человеков/ и укрепляете мудрования их/ восхвалити труды ва́ша, всечестнии.

**Со врагом древле бравшеся воздержанием,/ крепости постависте победу, преподобнии,/ Феодоре и Давиде с Константином славным,/ мужески низложивше демонская ополчения.**

**Богородичен:** Хри́ста́ нам роди́ла еси́, Пречи́стая Влады́чице,/ Богора́дованная Де́во,/ спаси́ град и лю́ди, к Тебе́ упова́ющия,/ Богоро́дице Всенепоро́чная.

### Песнь 5

**Ирмо́с:** *Просвети́ нас повеле́нии Твои́ми, Го́споди,/ и мѣщицею Твоею́ высо́кою/ Твой мир пода́ждь нам,// Человеколю́бче.*

**Просвети́ твоё жити́е всю вселѣнную,/ преподобне́ отче Феодоре,/ правове́рными словесы́ сия́ющее, я́ко со́лнце,/ Трили́чнаго Божества́ заре́ю просвещаем.**

**Цѣркве ты был еси́ проповѣдник, свя́те,/ вся́ку е́ресь и лесть демо́нскую разоря́я:/ те́мже со Ангелы ны́не лику́еши.**

**Еди́ной любви́ Хри́сто́ве вы приложи́вше ду́ши своѧ,/ Феодоре и Давиде с Константином славным,/ и исполнители́е Бо́жиих за́поведей бы́вше,/ мно́гих чудесъ при́ясте благода́ть, всехва́льнии.**

**Незлѣбиви и крѣтцы, вся злѣбы вра́жия погуби́вше/ и мѣлостиви до конца́ я́вльшеся, блаже́ннии,/ от Еди́наго Мѣлостива́го благода́ть при́ясте,/ и́стинную и спаса́тельную.**

**Богородичен:** **Воспо́йте, вся земля́,/ по́йте же Возсия́вшему из чре́ва боголе́пно Неискусобра́чныя/ и Сию́ ве́рным Показа́вшему/ твёрду наде́жду и похвалу́.**

### Ин

**Ирмо́с:** *Ужасо́шася вся́ческая/ о Божѣ́ственной сла́ве Твое́й:/ Ты бо, Неискусобра́чная Де́во,/ имѣ́ла еси́ во утробѣ́ над все́ми Бо́га/ и роди́ла еси́ безле́тнаго Сы́на,/ всем воспева́ющим Тя// мир подава́ющая.*

**Зако́нно моли́твами и постѣ́м всегда́ претерпева́сте,/ в безстра́стие оде́явшеся,/ плѣтский ра́зум смири́вше/ крѣпостию́ Божѣ́ственного Ду́ха.**

**От ю́ности возжа́дал еси́ о́браза мона́шескаго/ и от Хри́ста восприя́т вене́ц неувя́дный и ри́зу нетле́нную,/**

и ныне, блаженне Феодоре, со Ангелы радуется дух твой.

**Гроб честнаго твоего телесе/** показал еси верным людем душ освящение,/ и телес исцеление, и страстей избавление,/ от твоих мощей цельбы почерпающим.

**Богородичен:** Всесветлым украшена светом, Богородованная Мати,/ Ты бо породила еси, Честнейшая всех, Христа, Бога нашего,/ Егоже моли, да избавит ны от всяких напастей.

### Песнь 6

**Ирмос:** Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:// от тли, Боже, возведи мя.

**Верую и любовьию прилепился** Владыце вышних Сил, премудре Феодоре,/ возсиял еси на земли, яко солнце,/ мглу идольскую всюду потребляя,/ верныя же просвещая молитвами твоими.

**Молитвами предваряя** к Богу и Тому предстоя со Ангелы,/ за весь мир молися,/ брань неприязненную всю потребити/ и победу известну дати на сопостаты воинству нашему.

**Благими нравами украсився,** Христу прилепился еси от юности,/ и плотския страсти уморив воздержанием,/ и к жизни, преподобне Феодоре, преставился еси.

**Глаголов законных исполнитель** Божиих был еси,/ исполнился еси, отче премудре Давиде, Божественных даров/ и чудес лучи всем испустил еси.

**Богородичен:** Души моя страсти исцели,/ Безстрастия бывшая источник/ и просветившая лики преподобных отцев/ Рождеством Своим.

### Ин

**Ирмос:** Божественное сие и всечестное/ совершающе празднество,/ богомудрии, Богоматере,/ приидите, руками восплещим,// от Нея рождагося Бога славим.

**Моля прилежно** Господа,/ недвижущагося отрока цела сотвориши/ и безгласна прежде, Божиим Промыслом, многоглаголива показал еси,/ отче наш чудотворче Феодоре,/ монашествующих светильниче пресветлый.



**У**дивіся, блаженне, чудесем твоим/ весь мир, премудре Давиде,/ и восприял еси от Христа венц Небесный,/ егже сподоби и нам получи́ти твоими моли́твами, всечестне.

**Л**ук сильных сокрушил еси/ и брань всяку неприязнену истребил еси, всеблаженне Феодоре,/ действием, яко вещанием, испустил еси/ чудеса во всю вселенную.

**В**себлаженне Феодоре, угодниче Христов,/ на Небесех предстоиши Христу, моляся,/ zde же честныя мощи твоя болящих исцеляют и от грех изымают.

**Богородичен:** Изсушила еси сады безбожных чело́век, / Всенепоро́чная Де́во, / Твоим прозябением, / прозябшую во мне злобу искорени, / Богоневестная.

#### Конда́к на преста́вление, глас 4.

Подобен: Явился еси:

**Я**вился велие солнце Христове Църкви,/ просвещая учений светлостью, всечестне,/ яко черпа́лом златым, от Кла́дызя неископаннаго чудес почерпл еси,/ от Исто́чника неисто́имаго, всеблаженне Феодоре, // и ны́не о всех молиши, да улучим грехов прощ́ение.

#### Ўкос на преста́вление:

**Н**а высотѣ Господь воздержанием истинным тя положи, / яко звезду неблазнену, просвещающую стран-ных, чудоносче, / быстрины словес твоих и Божественных чудес источил еси миру, / и души верных напитал еси, / еретическия полки победил еси, яко другія египтяны, / поклонение Тройческое во Едином Божестве проповедуя, / сего ради соблюди нас от враг видимых и невидимых, преблаженне Феодоре, / яко о всех молиши, да улучим грехов прощ́ение.

#### Ин конда́к, глас 1, самогласен:

**М**ногомудренне преселивися, преподобне княже Феодоре, в град присноцветущ, / явился еси яко многосветлая звезда, в мире сияя, / в пощении исправив жизнь свою, // ны́не получил еси живот вечный на Небесех.

#### Конда́к на пренес́ение мощей, глас 8:

**Я**вистеся светильницы всесветлии во плоти, яко Ангели, / и, яко жизни древесá райская, / пощением, бдением и верою возвращаеми, процвели есте, /

молітвами вашими Небесныя благодати приѣмше,/ врачеве крѣпцы явльшесе, исцеляете недугующих дѹши,/ с вѣрою прибегающих к раце мощей ваших,/ чудотворцы славнии, Феодоре, Давиде и Константине,/ молитѣ Христа Бѹга грехѹ оставленіе даровати// вѣрою и любовію чтѹщим пѣмѣть вашу.

### Икос на пренесеніе мощей:

Свѣше звѣніе приѣмше преславно,/ безсмертную жизнь наследоваше,/ с плѹтію бо на землі безплѹтных житіе прошѣдше,/ бысте страстей неприятни./ Тѣмже восхваляем вы, отцы преподѹбнии, сицевая глаголюще:/ радуйтесе, свѣтлая свѣтила и православных слава;/ радуйтесе, целомудрия столпы неборимии;/ радуйтесе, премудраго разума явленіе;/ радуйтесе, правды рачители известнии;/ радуйтесе, яко постническими подвиги умертвивше плотских деяній стремленія;/ радуйтесе, умы наслаждающиеся Небесных неизреченных;/ радуйтесе, всю тварь благочестно удивляюще чудесы, имиже посрамишася демони;/ радуйтесе, оруженосцы духовнии, имиже всяка страсть умертвися;/ радуйтесе, истѹчницы жизненотѹчных вод;/ радуйтесе, помощницы вѣрно восхваляющим вас;/ радуйтесе, чудотворцы достохвальнии, Феодоре и Давиде и Константине;/ радуйтесе, помощницы вѣрою и любовію чтѹщим пѣмѣть вашу.

### Ин кондакъ на пренесеніе мощей, глас 8.

Подѹбен: Яко начѣтки:

**Я**ко свѣтильницы и врачеве преизряднии явистесе,/ вѣрныя озаряюще светлостью чудес ваших,/ во плѹти бо на землі благоугодиште Бѹгу,/ Иже во святых Прославляемому,// Егѹже непрестанно молитѣ о всех нас.

### Песнь 7

**Ирмос:** От Иудеи дошѣдше, ѹтроцы/ в Вавилѹне иногда/ вѣрою трѹическою пламень пѣщный попраша, поюще:// отцев Бѹже, благословѣн еси.

Прилежныя твоя подвиги и труды почитающе/ и сладость ученія твоегѹ, преподѹбне ѹтче Феодоре,/ имиже просвети ны и научи воспевати Триипостасное Божество:/ отцев наших Бѹже, благословѣн еси.



**Ору́жием** ва́ших моли́тв, Феодо́ре и Дави́де с Константи́ном сла́вным,/ победи́те де́моны и с Небесе́ благода́ть прия́те исцеля́ти бо́лезни/ и прогони́ти ду́хи лука́выя от вызы́вающих:/ **благословен** Бог оте́ц на́ших.

**Посто́м** и моли́твою и бде́нием, преподо́бне Феодо́ре, просвети́вся,/ вшел еси́ на высоту́ добродете́лей/ и научи́л еси́ жити́ем твои́м весь мир ве́рно воспева́ти:/ **отце́в на́ших Бо́же, благословен** еси́.

**Богоро́дичен:** Ору́жие, Чи́стая, храня́щее пре́жде врата́ еде́мская,/ плещи́, Де́во, всем дае́т,/ низложи́вшим по́стнически бо́рителя врага́,/ **при́сно вызы́вающим:/ отце́в на́ших Бо́же, благословен** еси́.

### Ин

**Ирмо́с:** *Не послужи́ша тва́ри богому́дрии/ па́че Созда́вшего,/ но, о́гненное преще́ние му́жески попра́вше,/ ра́довахуся, пою́ще:// препе́тый отце́в Госпо́дь и Бог, благословен еси́.*

**Блаже́нно** жити́е твоё/ и кончи́на безсме́ртна, преподо́бне Феодо́ре:/ сегó ра́ди тя Христо́с свы́ше украси́ венце́м,/ и просвеща́еши весь мир чуде́сы, всечу́дне.

**Яви́лся** еси́ ны́не гра́да Яросла́вля, Дави́де богоблаже́нне,/ столп неколе́блен и стена́ неруши́ма,/ вели́кое прибе́жище притека́ющим/ и прие́млющим исцелений благода́ть неоску́дную.

**Хоте́нием** от мирски́х сла́достей отлуча́ющесея,/ стра́нно челове́ком Явльшемуся Плото́ю присво́ившесея,/ и бу́дущая нетле́нная стяжа́сте, святи́и, пою́ще:/ **благословен** Бог отце́в на́ших.

**Богоро́дичен:** **Безсе́менно** заче́нши, Творца́ всех, Христа́ Бо́га,/ неизрече́нно родила́ еси́,/ Егóже моли́, дерзнове́ние иму́щи к Нему́,/ да спасе́т ны, вопию́щия:/ **благословен** Бог отце́в на́ших.

### Песнь 8

**Ирмо́с:** *Седмери́цею пещь/ халде́йский мучи́тель/ богочести́вым неистовно разжже́,/ си́лою же лу́чшею спасены́ сия́ ви́дев,/ Творцу́ и Изба́вителю вопия́ше:/ о́троцы, благослови́те,/ священни́цы, воспойте,// лю́дие, превозноси́те во вся ве́ки.*

**Слез** ва́ших ка́пли погаси́ша собла́зны грехо́вныя,/ реку́ же чуде́с покажа́сте всем нам,/ **вся́кия стра́сти**

потопляющую притекающих к вам,/ преславнии отцы святии, Феодоре и Давиде с Константином славным.

**В**еру и надежду неразриму и любовь истинную имели есте, отцы,/ и милостивное прилежание, терпение благо и поучение словес духовных,/ смиренномудрие и совершенное беззлобие.

**П**одвизавшися добре, победите вражия вся действия/ и по конце жития венчаестеся, мудрии,/ ко всем преподобным причетшеся,/ с нимиже чтим вы, превозносяще Христа во веки.

**Богородичен:** Мати Божия Чистая,/ страстей моих узы греховныя и молвы и недуги отжени:/ имаши бо к Немудерзновение и область/ помиловати ны, Госпоже милосердая,/ Спаса породивши плотию,/ Егуже непрестанно моли спастися нам.

### Ин

**Ирмос:** *Отроки благочестивыя в пещи/ Рождество Богородичо спасло есть,/ тогда убо образуемое,/ ныне же действуемое,/ вселенную всю воздвизает пети Тебе:/ Господа пойте, дела, // и превозносите Его во вся веки.*

**Л**икуют на Небесех чини ангельстии, всеблаженне Феодоре,/ и верных собори на земли, твою память похваляюще, вопиют:/ Господа воспевайте, дела,/ и превозносите Его во веки.

**П**омолися Христу Богу, преблаженне Феодоре,/ о приходящих к тебе с верою/ и хотящих от тебе почерпсти исцеления неоскудную благодать, поющих:/ Господа воспевайте, дела,/ и превозносите Его во веки.

**С**о безтелесными Силами, преподобнии отцы,/ Христу предстоите,/ молитвами вашими, святии, душевныя наша болезни исцелите/ и от безчисленных зол избавите нас, вопиющих:/ Господа воспевайте, дела,/ и превозносите Его во веки.

**Богородичен:** Из пречистаго Твоего чрева, Богомати,/ Небеснаго Дождя Капля нам укану,/ на омовение скверн, на здравие телес, на прогнание лукаваго./ Темже Тя блажим, Чистая, во веки.

### Песнь 9

**Ирмос:** *Ужасеся о сем Небо,/ и земли удившася концы,/ яко Бог явися человеком плотски,/ и чрево Твое*



*бысть пространныйшее Небес,/ тем Тя, Богородицу, // Ангелов и человек чиновачалия величают.*

**Е**стество тленное пренивше,/ в вечныя обители  
взыдoste, блаженнии,/ житием чистым последовавше  
Владыце Богу./ Темже чествующе успение ваше, свя-  
тии,/ непрестанно Христа величаем.

**С**е отверзся вам, отцы, Небесное Царство,/ скончав-  
шим доброе течение,/ и видите, яже видят Ангели,/  
воздаяние трудов подаёт вам почести Бог./ Темже  
ублажаем вы.

**В**ыспрь к Богу мысль имуще, преподобнии, земная  
остависте,/ труда ради воздержанием за неослабное  
облегчаеми,/ и со Ангелы ныне водворяетесь,/ Христа  
величающе.

**Богородичен:** **П**ощади мя, Господи, пощади, егда  
хощеши судити ми,/ не осуди мене во огонь, ниже яро-  
стию Твоею обличи мя,/ моли Тя Дева, рождающая Тя,  
Христэ,/ и Ангелов собори, и преподобных составы.

### **Ин**

**Ирмос:** **В**сяк земнородный/ да възграется, Духом про-  
свещаем,/ да торжествует же безплотных умов есте-  
ство,/ почитающее священное торжество Богоматере,/  
и да вопиет:/ радуйся, Всеблаженная, // Богородице,  
Чистая Приснодево.

**У**дивися во всем мире, Феодоре, твоя память,/ чудесы  
сияющи, якоже солнце, и злыя болезни исцеляющи  
всех./ Темже наша страсти разжени, молимся тебе,/  
прося нам отпущения, чудотворче Христов,/ и про-  
свети ны твоими молитвами, да тя вси величаем.

**Д**а входят ныне во святыи храм,/ к честным твоим  
мощем, преподобне Феодоре,/ благочестия держатели  
и всяк возраст, припадающе,/ просят от тебе почерпсти  
исцеления, здравия и спасения,/ Христа величающе.

**И** ныне молитесь ко Христу Богу, всечуднии,/ Фео-  
доре и Давиде и Константине,/ да ваша честныя мощи  
всегда подадут слепым прозрение и хромым хождение,  
больным исцеление и всем здравие и спасение,/ да вас вси величаем.

**Богородичен:** **П**ресвятая Дево, Богородице Марие,/ со  
Ангелы и Архангелы и со всеми Небесными Силами,/ и со пророки и апостолы, и с лики преподобных отцев

и священных мученик,/ и со блаженным Феодором,/ молися Сыну Твоему, Христу Богу нашему,/ да избавит ны от всех бед, Тя величающих.

### Светилен:

Якоже солнце блистая,/ зарю испущаеши чудес,/ просвещая всех сердца,/ твою славную память творящих верно,/ преблаженне Феодоре,/ и спасаеши от бед и будущего гнева.

### Ин светилен:

Господь ты прослави в чудесех, всеблаженне Феодоре,/ жива прославляя, избавил еси от смерти, яко Своего угодника,/ сего ради и чудес твоих память восхваляем.

### Слава, и ныне, праздника.

### На хвалитех стихиры, глас 8:

Преподобне отче, досточудне Феодоре,/ обретши душу твою от скверны всякия чисту,/ Духа благодать Всесвятаго в тя вселися,/ яко незаходимый свет:/ Егоже действием духи лукавыя отгониши всегда/ и исцеляеши недуги и болезни/ приходящих к тебе простым сердцем,/ и совершающих твою память святую,/ и кланяющихся мощем твоим, и вопиющих:/ богоносе, Христов угодниче, // моли спастися нам.

Чувства вся плоти обуздав/ и наказан законом быв, мудре, Божественнаго знания,/ отгуду прославился еси славою,/ и от славы славне в славу прешел еси,/ и, яко источник, Духа Святаго силою/ чудеса дивна содеял еси, преподобне отче Феодоре,/ деяния дар равноапостолен приим от вышняго Промысла,/ и щитом истинным ограждася, силою Креста укрепився,/ полки противных побеждая;/ и человеки ясно научи,/ просвещая чудесы многими, Феодоре блаженне, // моли спастися нам.

Вся чтущия верою память твою светло/ сподоби твоими молитвами/ лютых напастей и страстных бурь всех гонзнути\* присно,/ и грехов прощение прияти,/ и дойти милости и радости неизреченныя,/ преблаженне Феодоре, // моли спастися нам.

\* Гонзнути — избавиться.



### Слава, глас тойже:

**Приидите, вси вернии, / согласно воспойм преблаженнаго Феодора, / благочестия светлость, воздержания правило, / терпения столп, чистоты сокровище, / смирения реку обильную, / нищих утешение, страннных странноприймника, / истинныя любве Христовы делателя истинно искренняго, / и Сему убо жив предстоит, / человеков заступник и спаситель показася, / болезней и страстей неисцельных и всяких напастей исцелитель, // и молит спастися нам.**

**И ныне, праздника, глас тойже: Егоче древле Моисей: (зри страницу 417).**

### НА ЛИТУРГИИ

**Блаженны праздника, песнь 7-я, на 4, и святых, песнь 3-я, на 4. Прокимен, глас 7: Честна пред Господем // смерть преподобных Его. Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6: Блажен муж, бояйся Господа: Стих: Сильно на земли будет семя его: Евангелие от Матфея, зачало 10. Причастен: В память вечную будет праведник:**

Житие и иконописную прорись святого благоверного князя Феодора Смоленского и чад его, Давида и Константина Ярославских, смотри 5 марта

(Минея март. Ч. 1. С. 165–168). Сведения о них смотри также 23 мая (Минея май. Ч. 3. С. 36–37).

В  
ТОЙЖЕ  
ДЕНЬ



**Святаго стратотерпца  
благовернаго великаго князя  
Игоря Черниговскаго и Киевскаго,  
в Крещении Георгия, во иноцех Гавриила**

### НА ВЕЛИЦЕЙ ВЕЧЕРНИ

**На Господи, воззвах: стихиры: аще попразднство, праздника 3 и святаго 5; аще же пост, святаго на 8, глас 2: Егда царство земное волюно оставил еси / и во иночестве Господу работати возжелел еси, / тогда враг рода человеческого / многи и люты скорби наведе на тя, / ты же, яко адамант твердый, сими не поколебался еси, / мужественне вся претерпел еси / и ныне**

Христу́ предстои́ши, // моля́ся о почита́ющих па́мять твою́.

**Е**гда́ во оби́тель Феодо́рову заклю́чился еси́ / и та́мо послуша́нию ино́ческому вда́лся еси́, / тогда́ враг ро́да челове́ческаго поусты́ на тя лю́ди законопресту́пныя, / и́же тя, я́ко а́гнца незло́бива, никому́же зла сотво́рша, / на уби́ение непра́ведне влеко́ша. / Ты же Го́сподеви моли́лся еси́, / подо́бяся перво́мученику Христо́ву / и с ним взыва́я: // Го́споди, не поста́ви им греха́ сегó.

**Е**гда́ коленопрекло́нне пред о́бразом Пречи́стыя моли́лся еси́, / тогда́ убийцы́ твои́, я́ко зве́ри дивии, / с я́ростию устреми́шася на тя; / ты же безро́потне в ру́це их вда́лся еси́, / стра́сти мно́ги и муче́ния от них с терпе́нием прие́мля, // пра́ведную ду́шу свою́ Го́сподеви пре́дал еси́.

### Сла́ва, глас 6:

**Р**áдуется днесь град Черни́гов, / в хра́ме Спа́сове хра́ный свято́е и многострада́льное те́ло твоё, / и взыва́ет ти с любóвию: / страстоте́рпче кня́же И́гору, / моли́ Христа́ Бо́га / в ми́ре глубо́це страну́ на́шу соблюсти́, / град сей сохра́нити // и всем спасти́ся.

**И ны́не, пра́здника. А́ще пост, догма́тик, глас то́йже:**  
**Кто Тебе́ не ублажи́т:**

**Вход. Прокі́мен дне. Чте́ния три му́ченическая (зри страни́цы 562–563).**

### Стихи́ры на стихо́вне, глас 2.

**Подóбен: До́ме Евфра́фов:**

**Б**лаже́н еси́, гра́де Ки́еве, / и свяще́нны сто́гны тво́я, / напівши́ся честны́я кро́ве / страстоте́рпца кня́зя И́горя, // непра́ведное уби́ение та́мо прие́мша.

**Стих: Пра́ведник, я́ко фи́никс, процветёт, // я́ко кедр, и́же в Лива́не, умно́жится.**

**Р**áдуйся, гра́де Черни́гове, / весели́ся, святы́й до́ме Спа́сов, / вы бо сохра́няете сокро́вище многоце́нное, / святы́я мо́щи страстоте́рпца И́горя, // и́же непреста́нно мо́лится о душа́х на́ших.

**Стих: Наса́ждени в до́му Госпо́дни // во дво́рех Бо́га на́шего процвету́т.**



**Твёрдо** страдальчествуя/ и мужественне скорби  
терпя,/ Господа лицезрел еси,/ венцем мученическим  
украшающа// и во обители Небесныя соводворяюща тя.

**Слава, глас 6:**

**Приидите**, мучениколюбцы вси,/ Христова страсто-  
тёрпца благочестно прославим,/ Игоря славнаго,/ сей  
бо змиеву главу сокруши/ и кровию землю освяти,/  
от сущих zde преставися к вечным жилищем/ и от все-  
держительных рук подвигов почесть прият,/ просит  
очищения душам нашим// и велия милости.

**И ныне, праздника. Аще пост, Богородичен, глас  
тойже: Творец и Избавитель:**

**Тропарь, глас 4:**

**Н**аста днесь всечестная память страсотёрпца,/  
благовёрнаго князя Игоря,/ созывающа люди в  
пречестный храм Спасов,/ идеже, радостно сошедшеся,  
благочестивых множество/ молитвенно празднуют свя-  
тую память твою/ и с верою взывают ти:/ молися,  
святе,/ стране Россійстей, граду Чернигову и всем  
православным христианом// в мире и благоденствии  
спастися.

**Ин тропарь, глас тойже:**

**П**росветився божественным крещением,/ Духа  
Святаго светостью озаряемь,/ Евангелие Христово  
в сердце твоё восприял еси,/ делом слово Сына Божия  
исполняя,/ благовёрный княже Игорю,/ моли все-  
благаго Спасителя нашего/ даровати нам мир и  
милость/ и спасение душ наших,// чтущих честную  
память твою.

**Слава, и ныне, праздника, или Богородичен, глас  
тойже: Еже от века утаенное:**

**НА УТРЕНИ**

**Тропарь праздника дважды. Слава, святаго. И ныне,  
праздника. Аще пост, тропарь святаго дважды. Сла-  
ва, и ныне, Богородичен.**

**По 1-м стихословии седален, глас 1:**

Царство земное вольне оставив, страстотерпче, / яже на Небесех возжелал еси славу, / болезни претерпел еси и нуждную смерть: / темже днесь всесвятую твою память празднуем, / Христу приносяще хвалу, пре-  
блаженне Игорю.

**Слава, и ныне, праздника. Аще же пост, Богороди-  
чен, глас тойже: Гавриилу вещавшу:**

**По 2-м стихословии седален, глас 4:**

Течение совершив истинное, / мучителей всю крепость победил еси / и приял еси венец от руки Вседержителя, / Игорю всеблаженне, / и показался еси Ангелом сопри-  
частник.

**Слава, и ныне, праздника. Аще же пост, Богороди-  
чен, глас тойже: Слово Отчее Христа:**

**Величание:**

Величаем тя, / страстотерпче святый, княже Игорю, / и чтем святую память твою, / ты бо молиши о нас // Христа, Бога нашего.

**Псалом избранный: Бог нам прибежище и сила:**

**По полиелеи седален, глас 4:**

Многообразными мучении лютии мучителие / казни злей предаша многострадальное тело твоё, / богомысленне княже Игорю, / вся бо сия терпел еси, яко иному страждущу, / ожидая будущего воздаяния и бессмерт-  
ных жизни.

**Слава, и ныне, праздника. Аще же пост, Богороди-  
чен, глас тойже: К Богородице прилежно ныне притецем:**

**Степенна, 1-й антифон 4-го гласа. Прокимен, глас 4:  
Праведник, яко финикс, процветет, // яко кедр, яже в  
Ливане, умножится. Стих: Насаждени в дому Господни,  
во дворех Бога нашего процветут. Всякое дыхание:  
Евангелие от Матфея, зачало 36.**

**По 50-м псалме стихира, глас 6: Радуется днесь град  
Чернигов: (зри славник на Господи, воззвах:).**



**Канон праздника со ирмосом на 6 и святого на 8.  
Аще пост, канон Богородицы на 6 и святого на 8.**

**Канон святого, глас 8.**

**Песнь 1**

**Ирмос:** *Воду прошед, яко сушу, / и египетскаго зла избежав, / Израильтянин вопияше: // Избавителю и Богу нашему поим.*

**Воду** нечестия тименну\* оставив, / к воде очистительней притекл еси, святе Игорю, / и наша очисти сердца / чисто пети твои страдания.

**Водою** крещения омывся, / первороднаго греха избавился еси / и Чистому Владыце Христу присвоился еси, / Ему же и нас чисто присвои молитвами твоими.

**В** воде потопившему змия лукаваго подобяся, / кровию твоею страдальческою вражью погрузил еси силу, страстотерпче, / от него же и нам избавитися Спаса умоли.

**Богородичен:** *Воду слез очищающую, Пречистая, подаждь ми / и, очистивши мя от кала беззаконий, чиста представи, / Богородительнице, Сыну Твоему и Богу.*

**Песнь 3**

**Ирмос:** *Небеснаго круга / Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, // Единое Человеколюбче.*

**Небеснаго** круга Верхотворцу все житие свое отдав, / возлюбил еси Того до конца; / сподоби и нас молитвами твоими, страстотерпче, / любить Господа до конца дней наших.

**Небесныя** жизни желая, / в земном житии твоём вся пренебрегл еси; / сподоби и нас, святе, молитвами твоими / Небесныя жизни сподобитися.

**Небеснаго** чертога желая, / чистоту девства твоего соблюл еси / и ныне с девственники / в Небесных чертозах ликуеши.

**Богородичен:** *Небеснаго Творца, Богородице Всепетая, рождши, / Небес пространнейшая явилася еси; / мене от пространнаго пути погибельна уклоняши, / на Небесный путь настави, молюся.*

**Кондак и йкос праздника.**

\* Тименну — грязную, скверную.

### Седáлен, глас 5:

**Д**обродéтельными светлосты́ми просвещáемь/ и мучéния свéтом украшáемь,/ пáче sóлнца, премúдре, сияеши твёрде/ и просвещáеши воистину творящих вёрно пáмять твою́ светонóсную,/ преслáвный страсотёрпче Ёгору, спасáй молíтвами твоими.

**И ны́не, прáздника. А́ще же пост, Богорóдичен, глас тойже: Ужáсно чúдо зачáтия:**

### Песнь 4

**Ирмо́с: Услы́шах, Го́споди,/ смотре́ния Твоего́ та́инства,/ разумéх дела́ Твоя́// и прослáвих Твоё Божество́.**

**Услы́шав, Ёгору, Небесá повéдающа сла́ву Бо́жию,/ на земли́ Бо́га сла́вити возжелéл еси́,/ Егóже сла́вы и нас сподóби.**

**Услы́шав, я́ко врази́ твои́ воста́ша на тя,/ не убоя́лся еси́ свирепства их,/ но крóтце в рúце их сквёрныя вдáлся еси́, Го́сподеви взывáя:/ не поста́ви им грехá сегó.**

**Услы́шав прещéния вра́жеская и мýки от них терпя́,/ непоколебím пребы́л еси́,/ и менé непоколебíма в добродéтелях сотвори́.**

**Богорóдичен: Услы́ши, Пречíстая Влады́чице, моле́ние моё,/ и избáви мя от зол,/ и глас, благословéнных призывáяй в Цáрство,/ слы́шати удостóй.**

### Песнь 5

**Ирмо́с: Просветí нас повелéнии Твоими́, Го́споди,/ и мы́шцею Твоею́ вы́сокою/ Твой мир пода́ждь нам,// Человеколю́бче.**

**Просветív стезю́ жы́зни твоея́ свéтом богоразúмья,/ Христа́ Го́спода вседу́шне возлю́бил еси́;/ сподóби и менé, страсотёрпче, в сих бы́ти тебе́ подража́телю.**

**Просвещáхуся вёрнии лю́дие,/ видяще тя, нестерпíмыя мýки до́бльственне терпя́ща,/ сподóби и менé, страда́льче, бы́ти терпелíву.**

**Просветí мя, о Игоре, омрачénнаго мгло́ю грехóвною,/ и свéтом невечёрним осиявáтися,/ свéтлый мучени́че, молю́ся, сотвори́.**

**Богорóдичен: Просветíла еси́ потемнённое естество́, Богорóдице,/ Свет Истинный рóждши,/ тёмже и менé, свéтом просветívши,/ от мра́чных враг свободí.**



## Песнь 6

**Ирмос:** Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:// от тли, Бóже, возведи мя.

Молитву твою страдальческую услышав, Христос, Игорю,/ крепость и силу ко страданием тебе подаде;/ сподоби и мя молитвами твоими/ в страданиях житейских быти тверду.

Молитвою пред образом Пречистыя себе укрепив,/ изшел еси ко врагом твоим, ищущим тя,/ и, яко агнец незлобив, пострадал еси от них,/ неправедно умерщвляем.

Молитву всяк приноси ти с верою, страдальче,/ душевных страстей и телесных исцеление скоро приемлет;/ еже и нам богато подавай, молимся.

**Богородичен:** Молитву нашу прими, Пречистая,/ и молитвою Ти всемогущею/ избавити нас враг видимых и невидимых,/ от грехов же и всякия муки/ моли, Егоже родила еси, Человеколюбца Бога.

### Кондак, глас 6:

**И**зменил еси земнаго княжения славу/ во иночества образ смиренный/ и, страдальчески земное житие скончав,/ ныне на Небесех радуешься,/ усердне моляся о чтущих тя, // Игорю, страдальцев похвало.

### Ин кондак, глас 8:

**К**няжескую диадиму обагрил еси кровию твоею,/ богомудре страстотерпче Игорю,/ за скиптр крест в руку прием, явился еси победоносец/ и жертву непорочно Владыце принесл еси себе./ Яко бо Агнец незлобив, от раб убиен был еси/ и ныне радуясь предстоиши Святей Троице, // моли спастися душам нашим.

## Песнь 7

**Ирмос:** Отроцы еврейстии в пещи/ попраша пламень дерзновенно/ и на росу огонь преложыша, вопиюще:// благословен еси, Господи Бóже, во веки.

Дети еврейская Ангел от огня неопальна сохранивый,/ и тебе, Игорю, во страдании укрепил, поюща:/ благословен еси, Господи Бóже, во веки.

**Д**ётское игралище вменяя мѹки,/ не пощади́л еси́ тѣла твоего́,/ но стра́сти мѹжественне терпѣл еси́, поя́:/ благословѣн еси́, Го́споди Бо́же, во ве́ки.

**Д**ѣтем мѹчимым подража́я, Иго́рю,/ хвалю́ и аз Христо́а, да́вшаго тебѣ крѣпость;/ ты же мя, на по́двиг добродѣтелей укрепив, сподо́би пѣти с тобо́ю:/ благословѣн еси́, Го́споди Бо́же, во ве́ки.

**Богоро́дичен:** Деторо́дию Твоему́, Де́ве и по Рожде́ствѣ пребывшей,/ дивлю́ся, Богоро́дице./ Удиви́ убо и на мне мѣлость Сы́на Твоего́,/ да помѣлован тобо́ю, пою́:/ благословѣн еси́, Го́споди Бо́же, во ве́ки.

### Песнь 8

**Ирмо́с:** Победѣтели мучи́теля и пла́мене/ благода́тию Твоею́ бѣвше,/ за́поведем Твоѣм зело́ прилежа́ще,/ о́троцы вопия́ху:// благослови́те, вся дела́ Госпо́дня, Го́спода.

**П**обедѣтель яви́лся еси́, сла́вне Иго́рю, враго́в, мѹчащих тя,/ и́бо в лю́тых мѹках стражда́, непреста́нно взыва́л еси́:/ благослови́те, вся дела́ Госпо́дня, Го́спода.

**П**обедѣл еси́ мѹжеством твоѣм, страстоте́рпче сла́вне Иго́рю,/ вся мучи́тельская ухищре́ния./ Моли́ убо Влады́ку Христо́а, мо́лим тя,/ всем ве́рным на враги́ побѣду да́ти, пою́щим:/ благослови́те, вся дела́ Госпо́дня, Го́спода.

**П**обедѣтель жестокосе́рдых уби́йц яви́лся еси́, сла́вне Иго́рю,/ они́ бо Небе́сным огне́м во а́дский огонь низведо́шася,/ ты же на Не́бо возше́л еси́, иде́же ны́не со А́нгелы поѣши:/ благослови́те, вся дела́ Госпо́дня, Го́спода.

**Богоро́дичен:** Победи́, Пречи́стая, враго́в ви́димых и неви́димых, низложѣти нас тща́щихся,/ и страсте́й мя вся́ких изба́ви,/ да пою́ торже́ственно:/ благослови́те, вся дела́ Госпо́дня, Го́спода.

### Песнь 9

**Ирмо́с:** Войсти́ну Богоро́дицу/ Тя испове́дуем,/ спасѣ́ннии тобо́ю, Де́во Чи́стая,// с безплотными ли́ки Тя велича́юще.

**В**ойсти́ну Бо́га испове́дуя, страстоте́рпче,/ черто́г Небе́сный насле́довал еси́,/ его́же и нас сподо́би,/ да с тобо́ю Христо́а ве́чно велича́ем.



**Войстину** на тебе, **Игорю** блаженне, / исполнися Христо́во прорече́ние: / вся претерпе́вый до конца́ спасе́н бу́дет, / ны́не бо со все́ми спасе́нными Христа́ ве́чно велича́еши.

**Войстину** никто́же притека́яй к тебе́, страстоте́рпче, / тощ благода́ти твоея́ отхо́дит, / ея́же и мене́ исполни, да ты велича́ю.

**Богоро́дичен:** **Войстину** и́стиннаго Бо́га Пло́тию, Богоро́дице, родила́ еси́, / Егóже ми́лостива нам в День Суда́ соде́лай, / да безконече́но с Ним Ты велича́ем.

### Свети́лен:

**Я**коже со́лнце, светоно́сно возсия́ ны́не, страстоте́рпче, па́мьять твоя́, / вся ве́рныя веселя́щи, / и́же моли́твенно взыва́ют ти: / моли́ся приле́жно, во е́же спасты́ся нам.

**Сла́ва, и ны́не, пра́здника. А́ще пост, Богоро́дичен:**

**Держа́вным Твои́м покрóвом, Чи́стая, / нас, рабо́в Твои́х, от наве́та вра́жия сохра́няй всегда́ невреди́мых, / Ты бо еди́ну стяжа́хом прибёжище в беда́х.**

### На хвали́тех стихи́ры, глас 8:

**Ра́дуйся, страстоте́рпче Христóв Игорю, / сла́ву ми́ра сегó ни во что́же бо вмени́л еси́ / и от еди́нонадеся́таго часа́ жития́ твоего́ / во ино́честве до́бре Го́споду послужы́л еси́; / и ны́не с му́ченики и преподо́бными Престо́лу Бо́жию предстои́ши, // моля́ся приле́жно о душа́х на́ших.**

**Ра́дуйся, страстоте́рпче Христóв Игорю, / гра́да Черни́гова похвало́ / и всея́ земли́ Росси́йския священное украше́ние, / невинно́ кровь свою́ проли́явый, // и моли́ся приле́жно о душа́х на́ших.**

### Сла́ва, глас 6:

**Днесь град сла́вный Черни́гов / просвещáется страстоте́рпца заря́ми / и святы́й дом Спа́сов, цветы́ украша́емь, / вопи́ет ти, уго́днице Христóв: / не преста́й моли́ти о всех, // пра́зднующих любóвию святу́ю па́мьять твою́.**

**И ны́не, пра́здника. А́ще же пост, Богоро́дичен, глас то́йже: Богоро́дице, Ты еси́ лоза́ и́стинная:**

**Вели́кое славосло́вие.**

## НА ЛИТУРГИИ

**Блаженны праздника, песнь 7-я, на 4, и святáго, песнь 6-я, на 4. Аще пост, блаженны от канона святáго, песни 3-я и 6-я, на 8. Прокíмен, глас 7: Возвеселíтся праведник о Гóсподе// и уповáет на Него́. Стих: Услы́ши, Бо́же, глас мой, внегда́ моли́ти ми ся к Тебе́. Апóстол, зачáло 17 с престúпкою, конéц: Не поста́ви им грехá сегó. И сия́ рек, úспе. Аллилу́ия, глас 4: Праведник, я́ко фíникс, процветéт: Ева́нгелие от Иоáнна, зачáло 52. Прича́стен: В па́мять вéчную бóдет праведник:**

**Святой благоверный великий князь страстотерпец Игорь Черниговский и Киевский** († 1147), в крещении Георгий, в иночестве Гавриил (в схиме Игнатий), был сыном черниговского князя Олега Святославича. Он вступил на Киевский престол в 1146 году, после смерти своего брата Всеволода. Не расположенные к роду Ольговичей киевляне выдали его Изяславу Мстиславичу, князю переяславскому. Тогда же его заставили принять монашество в монастыре святого Иоанна, что, впрочем, было вполне созвучно его собственным желанием, так как он с юности проявлял особое благочестие — был «читатель книг и в пении церковном учен». Затем он принял схиму и жил в монастыре святого Феодора в Киеве. 19 сентября 1147 года киевляне, узнав об измене черниговских князей великому князю, ворвались в обитель, извлекли схимника из храма, где он

стоял на молитве, и зверски убили его. Игумен Феодоровского монастыря Анания похоронил его в монастыре святого Симеона. 5 июня 1150 года его прославившиеся благодатными проявлениями мощи были перенесены в Чернигов князем Святославом Ольговичем и положены в Спасском соборе.

Житие и страдания святого князя Игоря помещены в Степенной книге. Икона Богородицы, перед которой он молился в последние минуты своей жизни, находилась в Великой церкви Киево-Печерской Лавры с именем «Игоревская». В «Иконописном подлиннике» говорится, что святой князь Игорь «ростом был средний и сух, смугл лицом, волосы над обычаем, как поп, носил долги, брада же узка и мала. Прилежно уставы иноческие хранил». 19 сентября отмечается его мученическая кончина, а 5 июня — прославление.

